



Saksframlegg

Saksnr:	Utval:	Dato
	Formannskapet	

Sakshandsamar:	Sektor samfunnsutvikling og kommunalteknikk	Øystein Sørhaug
	Arkivnr.: 16/268	Klassering:

Nordic Valve Services - søknad på næringsfondet

Rådmannen sitt framlegg til vedtak

Lindås kommune løyver 200.000 kr til omsøkt prosjekt «etablering på Mongstad».

.....

Saksopplysningar:

Politisk handsaming

Saka skal avgjerast i Formannskapet.

Bakgrunn

Nordic Valve Services (NV) har nyleg etablert seg ute på Mongstad og skal driva service- og vedlikehaldstenester mot olje og gass. Spesielt skal verksemda tilby vedlikehald innafor API 6a klassifiserte ventilar. I dag finst det ikkje verksemder som tilbyr ei slik løysing på Mongstad, men det er fleire konkurrentar som tilbyr vedlikehaldstenester innan same område, ein skal ikkje lenger enn til Åsane for å finna konkurrentar som tilbyr det same.

Verksemda vil etablere seg med kontor hjå PSW og elles i samarbeid med dei. Dette vil og vera noko av nøkkelen til mogleg suksess med etablering av verksemda. T.d. har PSW på Mongstad fått inn mange henvendelsar om vedlikehald av ventilar, men dei har sjølv ikkje hatt det rette nettverket og dei rette samarbeidspartnarane for å få dette til. Med etableringa til NV er håpet at Mongstad og kan ta ein posisjon innafor ei ny type teneste; vedlikehald av ventilar.

Verksemda har eit mål om å etablera 10 nye arbeidsplassar ila 2019.

Prosjektet har ein totalkostnad på 1.700.000 kr og næringsfondet er beden om å bidra med 250.000 kr (15%).

Vurdering

Næringsfondet til Lindås kommune skal spesielt prioritera prosjekt innanfor industriutvikling, kompetanseheving, marknadsføring/profilering og samarbeidstiltak. Vidare skal det vurderast etter skjøn gjennomføringsevne, sysselsettingsbidrag-/effekt, marknadshensyn og konkurranseomsyn. Det er og nokre kapitalgrenser som er satt i retningslinjene til fondet.

I det omsøkte prosjektet vil spesielt samarbeidstiltak og marknadsføring/profilering vere positivt, all den tid her er snakk om å etablere ein ny Mongstad-lokasjon for vedlikehald av ventilar. Fordelen med Mongstad som lokasjon er at det alt er betydelig med trafikk og logistikk mellom området og offshoreinstallasjonane, det kan føra til at denne tenesta vil få konkurransefordel ift andre konkurrentar.

Strategiane til felles strategisk næringsplan Lindås og Austrheim vil og vere relevant for vurdering av støtta:

1. Ny industrireising på Mongstad (nyskaping, entreprenørskap)
2. Ein synleg og tydeleg region (profilering, omdømme)
3. Ein attraktiv bu- og opplevingsregion (reiseliv, turisme, oppleving, landbruk, kultur)
4. Aktivt, positivt vertskap (kompetanseutvikling, entreprenørskap)

Her vil fleire strategiar vere relevant, for eksempel gjeld det ny det som er nedskriven i form av kompetanseutvikling, nyskaping og entreprenørskap – ikkje minst den overordna strategien med ny industrireising på Mongstad. Her er det snakk om ein ny type teneste som ikkje finst på Mongstad i dag.

Interkommunal nærings- og samfunnsplan for region Nordhordland 2016-2025 har definert 4 fokusområder, deriblant næringsliv og innovasjon/gründerskap. Det overordna målet er definert som at næringslivet skal vera nyskapande og robust. Det er ein strategi i planen at ein skal stimulere til meir teknologi- og produktutvikling.

Planen er vedteken av Lindås kommune og fleire av måla og strategiane er passande til det omsøkte prosjektet.

Den regionale næringsplanen til Hordaland 2013-2017 er også tydeleg på at ein ønskjer enno meir entreprenørskap og innovasjon, herunder fleire gode gründarar og fleire vekstkraftige verksemder. Det betyr i praksis at ein må bidra til finansiering av verksemder i tidleg fase og til utviklingprosjekt med risiko, som det også står eksplisitt om i planen.

Planen er vedteken av Lindås kommune og det ovanståande vil vera relevant i den samla vurderinga av det omsøkte prosjektet.

Strategisk næringsplan for Bergensregionen er også tydeleg på at rammvilkår til næringslivet er eit sentralt poeng kor det offentlige kan bidra og bistå med å avlaste og redusere prosjektrisiko og tildele økonomiske tilskott. Planen peikar også på innovasjon- og entreprenørskapssatsingar som viktige bidrag for næringsutvikling.

Planen er vedteken av Lindås kommune.

Etter ei samla vurdering ønskjer Lindås kommune å løyve 200.000kr til det omsøkte prosjektet (12%).

Lindås kommune ønskjer lukke til med prosjektet og at støtta kjem godt med!

Kva ligg til grunn for støtta?

- Tilskot må tilbakebetalast viss det ikkje vert gjennomført etter planen – ref retningslinjene. «Etter planen» vil sei foreliggjande søknad til næringsfondet og eventuelle vedlegg.
- I retningslinjene til fondet står det at 50% av tilsagnet kan utbetalast ved oppstart og at resten vert utbetalat når investeringar er i samsvar med søknaden. Det er søkar sitt ansvar å dokumentera at investeringar er i samsvar med søknaden for å få utbetalat dei siste 50%
- Får verksemda mediaomtale ønskjer Lindås kommune at det vert opplyst at Lindås kommune har vore med på å støtta prosjektet.
- Det skal leggjast fram rekneskap etter at prosjektet er gjennomført – ref retningslinjene.
- For å betala tilskotet ut på forskot, ber me om å få tilsendt eit kontonummer, dvs. send ein e-post til oystein.sorhaug@lindas.kommune.no og med e-post overskrift «utbetalingsanmodning for [prosjekttittel] og [verksemde]».

.....

Ikkje vedlagte saksdokument:

Doknr	Type	Dato	Tittel på saksdokumentet
Doknr	Type	Dato	Tittel på journalpost